

Aguisín A

Polasaí Bí Cineálta Scoile chun Iompraíocht Bhulaíochta a Chosc agus Dul i nGleic léi

Polasaí Bí Cineálta chun Iompraíocht Bhulaíochta a Chosc agus Dul i nGleic léi

Ghlac Bord Bainistíochta GAELSCOIL PHEIG SAYERS an polasaí seo a leanas chun iompraíocht bhulaíochta a chosc agus dul i ngleic léi.

Comhlíonann an polasaí seo go hiomlán ceanglais *Bí Cineálta: Gnásanna chun Iompraíocht Bhulaíochta a Chosc agus Dul i nGleic léi do Bhunscoileanna agus d'Iar-bhunscoileanna 2024*.

Aithníonn an Bord Bainistíochta go gcuireann iompraíocht bhulaíochta as do chearta an linbh mar a leagtar amach i gCoinbhinsiún na Náisiún Aontaithe um Chearta an Linbh. Tá freagracht orainn go léir, mar phobal scoile, oibriú le chéile chun iompraíocht bhulaíochta a chosc agus dul i ngleic léi agus chun déileáil leis an tionchar diúltach a bhíonn ag iompraíocht bhulaíochta.

Táimid tiomanta do chinntiú go gcoinnítear gach scoláire a fhreastalaíonn ar ár scoil saor ó dhíobháil agus go bhfuil folláine ár scoláirí chun tosaigh i ngach rud atá á dhéanamh againn. Aithnímid an tionchar diúltach a d'fhéadfadh a bheith ag iompraíocht bhulaíochta ar shaol ár scoláirí agus táimid tiomanta go hiomlán d'iompraíocht bhulaíochta a chosc agus dul i ngleic léi.

Deimhnímid go ndéanfaimid, i gcomhréir lenár n-oibleagáidí faoi reachtaíocht chomhionannais, gach beart atá indéanta de réir réasúin chun ciapadh scoláirí nó baill foirne a chosc ar aon cheann de na naoi bhforas a shonraítear: inscne, stádas sibhialta, stádas clainne, claonadh gnéasach, reiligiún, aois, míchumas, cine agus a bheith mar bhall den Lucht Siúil.

Sainmhíniú ar an mbulaíocht

Tugtar sainmhíniú ar an mbulaíocht in *Cineáltas: Plean Gníomhaíochta ar an mBulaíocht agus Bí Cineálta: Gnásanna chun Iompraíocht Bhulaíochta a Chosc agus Dul i nGleic léi do Bhunscoileanna agus d'Iar-bhunscoileanna* mar iompraíocht spriocdhírthe, ar líne nó as líne a dhéanann dochar. D'fhéadfadh an dochar a dhéantar a bheith fisiciúil, sóisialta agus/nó mothúchánach. Leanann iompraíocht bhulaíochta ar aghaidh thar thréimhse ama agus bíonn neamhchothroime cumhachta i gceist ann sa chaidreamh idir beirt nó grúpaí daoine sa tsochaí. Tugtar an sainmhíniú mionsonraithe i gCaibidil 2 de ghnásanna Bí Cineálta.

Ní mór do gach scoil polasaí Bí Cineálta a fhorbairt agus a chur i bhfeidhm ina leagtar amach conas a chuireann pobal na scoile cosc ar iompraíocht bhulaíochta agus conas a théann sé i ngleic léi. Déantar foráil i gCód Iompraíochta na scoile do straitéisí chun déileáil le hiompraíocht mhíchuí nach iompraíocht bhulaíochta í.

Mír A: Forbairt/athbhreithniú ar ár bpolasaí Bí Cineálta chun iompraíocht bhulaíochta a chosc agus dul i ngleic léi

Tugadh deis do gach ball dár bpobal scoile ionchur a bheith acu i bhforbairt/athbhreithniú an pholasaí seo.

	Dáta an Chomhairliúcháin	Modh comhairliúcháin
Foireann na Scoile	1ú Feabhra 2025	Ceistneoir
Scoláirí	25ú Márta 2025	Ceistneoir / Plé
Tuismitheoirí	1ú Márta 2025	Ceistneoir
Bord Bainistíochta	10ú Feabhra 2025	Plé
Pobal na scoile i gcoitinne (de réir mar is cuí mar shampla tiománaithe bus)	2ú Aibreán 2025	Plé
An dáta ar faomhadh an polasaí: 26ú Bealtaine 2025		
An dáta is déanaí a ndearnadh athbhreithniú ar an bpolasaí:		

Mír B: Iompraíocht Bhulaíochta a Chosc

Leagtar amach sa mhír seo na straitéisí coisctheacha a úsáidfídh an scoil. Ina measc sin tá straitéisí atá dírithe go sonrach ar iompraíocht bhulaíochta ar líne a chosc, iompraíocht bhulaíochta homafóbach agus trasfhóbach, iompraíocht bulaíochta ciníche, iompraíocht bulaíochta gnéasaí agus ciapadh gnéasach de réir mar is cuí. Beimid ag cur an curaclam OSPS tríd an scoil ar fad.

- Straitéisí a bheith ag an múinteoir teachtaireacht a d'fháilt ó pháistí, msh nóta i mbosca
- Falla Cineáltais a choimeád sa scoil
- Ainmneacha páistí a bhí cineálta a thabhairt ar aghaidh chuig an Phríomhoide le crannchur a dhéanamh leis na hainmneacha ag deireadh téarma
- Páistí a chur ar aghaidh chuig an Phríomhoide nuair a bhíonn teastas cineáltais tuillte acu
- Bínse Cairdis- áit a bheith sa chlós ina rognódh páiste atá uaigneach 's go n-imreodh páistí eile leo
- Cinnteoidh baill foirne nach bhfuil páistí gan maoirseacht sna leithris nó ag bun staighre srl ina bhféadfadh le bulaíocht tarlú
- Daoine breise lasmuigh den scoil a d'fháilt isteach le labhairt fé chibearbulaíocht

- Laethanta a chur ann le deis a thabhairt dos na páistí foghlaim fé thíortha eile/cultúrtha difriúla. Daoine a fháil isteach le sin a phlé
- Leabhair a úsáid ina bhfuil páistí ó chultúrtha difriúla sa rang go gcífeadh páistí sa scoil páistí eile atá difriúil uathu.

Tá na polasaithe maoirseachta agus monatóireachta a leanas i bhfeidhm ag an scoil chun iompraíocht bhulaíochta a chosc agus dul i ngleic léi.

- Cultúr agus timpeallacht dearfach a chruthú ; plé agus ceiliúradh a dhéanamh ar dhifriocht
- Cumarsáid foirne ; ag cinntiú go bhfuil múinteoirí ar an eolas dá mbeadh bulaíocht ar siúl
- Eachtraí bulaíochta a chlárú
- Spásanna sábháilte a chinntiú sa scoil agus eolas a chur ar na páistí faoina spásanna sin (cúinne compordach, seomra na gcéadfaí)
- Duine fásta iontaofa ; múinteoir ranga, múinteoir SET srl ; ag muineadh na páistí dul idtaithí ar chaint le duine faoi bhulaíocht
- Teagasc agus bulaíocht ; cad is bulaíocht ann, cad a dhéanfaimid má fheicimid bulaíocht?
- Tuismitheoirí ; Tuismitheoirí a chur ar an eolas faoi luachanna na scoile faoi bhearta frithbhulaíochta, comhráite oscailte a spreagadh agus meas a chur chun cinn
- An clós ; straitéisí a chur i bhfeidhm don chlós ; níos mó daoine fásta dosna páistí le riachtanais, páistí óga srl

Mír C: Ag dul i ngleic le hIompraíocht Bhulaíochta

Seo a leanas an múinteoir/na múinteoirí atá freagrach as dul i ngleic le hiompraíocht bhulaíochta:

Nuair a tharlaíonn iompraíocht bhulaíochta, déanfaidh an scoil:

- > A chinntiú go n-éistear leis an scoláire a bhfuil iompraíocht bhulaíochta á fulaingt aige/aici agus go gcuirtear é/í ar a s(h)uaimhneas.
- > Iarracht príobháideacht na ndaoine atá i gceist a chinntiú.
- > Gach comhrá go hógair.
- > Aois agus cumas na ndaoine atá i gceist a mheas.
- > A éisteacht le tuairimí an scoláire a bhfuil iompraíocht bhulaíochta á dhéanamh air/uirthi maidir leis an mbealach is fearr chun dul i ngleic leis an gcás.
- > A ghníomhú go tráthúil.
- > Tuismitheoirí na ndaoine atá i gceist a chur ar an eolas.

Is iad seo a leanas na céimeanna a ghlacfaidh an scoil le fáil amach an raibh iompraíocht bhulaíochta á déanamh, na cuir chuige a glacfar chun dul i ngleic leis an iompraíocht bhulaíochta agus athbhreithniú a dhéanamh ar dhul chun cinn ;

1. - Agus an múinteoir ag aithint ar tharla nó nár tharla iompraíocht bhulaíochta ba chóir don múinteoir machnamh a dhéanamh ar na nithe seo leanas ; cad, cá háit, cathain agus cén fáth?
 - 3 'Tá' ag teastáil...an raibh sé dírithe, leanúnach, agus an raibh dochar fisiciúil,sóisialta nó mothúcánach
 - Ceisteanna 'Restorative Practice'
2. Ní mór cloí leis na prionsabail seo a leanas agus aghaidh ar aghaidh á tabhairt ar iompraíocht bhulaíochta ;
 - A chinntiú go n-éistear leis an scoláire a bhfuil iompraíocht bhulaíochta á fhulaingt aige/aici agus go gcuirtear é/í ar a s(h)uaimhneas
 - Iarracht a dhéanamh príobháideacht na ndaoine atá i gceist a chinntiú
 - Gach comhrá a dhéanamh go híogair
 - Aois agus cumas na ndaoine atá i gceist a chur san áireamh
 - Éisteacht le tuairimí an scoláire a bhfuil iompraíocht bhulaíochta á fulaingt aige/aici maidir leis an mbealach is fearr chun dul i ngleic leis an gcás
 - Gníomhú go tráthúil
 - Tuismitheoirí na ndaoine atá i gceist a chur ar an eolas

Rudaí breise ;

- Labhair le tuismitheoir faoi rudaí a chloistear ach nach bhfeictear ar eagla na heagla
 - Tacaigí le haon pháiste go bhfuil bulaíocht á dhéanamh orthu ag duine lasmuigh den scoil
 - An bhfuil teagmháil le seirbhísí seachtracha de dhíth?
3. - Labhairt leis na páistí, tuismitheoirí arís taobh istigh de 20 lá
 - An bhfuil deireadh leis?
 - Ar oibrigh na straitéisí?
 - Cén sort caidreamh atá eatarthu anois?
 - An bhfuil tacaíocht leanúnach / éagsúil uathu?
 - Taifead a dhéanamh ar na comhráite ar fad

Bainfidh an scoil úsáid as na cuir chuige seo a leanas chun tacú leo siúd a ndéanfar bulaíocht orthu, iad siúd a bheidh mar fhinné agus iad siúd a léireoidh iompraíocht bhulaíochta ;

Dóibh siúd a dhéanfar bulaíocht orthu ;

- A chinntiú go n-éistear leis an scoláire a bhfuil bulaíocht á dhéanamh orthu, agus iad a chur ar a shuaimhneas
- Éisteacht le tuairimí an scoláire a bhfuil iompraíocht bulaíochta á fhulaingt aige/aici maidir leis an mbealach is fearr chun dul i ngleic leis an gcás

Gach duine bainte leis ;

- Príobháideacht na ndaoine atá i gceist a chinntiú
- Gach comhra a dhéanamh go híogair
- Aois agus cumas na ndaoine atá i gceist a chur san áireamh
- Gníomhú go tráthúil
- Tuismitheoirí na ndaoine atá i gceist a chur ar an eolas
- Gach eachtra iompraíochta bulaíochta a thaifeadadh...bain úsáid as teimpléad na scoile

Déanfar gach iompraíocht bhulaíochta a thaifeadadh. San áireamh ansin beidh an cineál iompraíochta, cá háit agus cathain a tharla sé, agus dáta an chaidrimh le scoláirí agus tuismitheoirí. Déanfar na gníomhaíochtaí agus na tacaíochtaí comhaontaithe chun dul i ngleic le hiompraíocht bhulaíochtaa dhoiciméadú. Más ábhar imní í an iompraíocht bhulaíochta maidir le cosaint leanaí déileálfar leis an gceist gan mhoill de réir *Gnásanna um Chumhdach Leanaí do Bhunscoileanna agus d'Iar-bhunscoileanna*.

Mír D: Maoirseacht:

Cuirfidh an príomhoide uasdátú ar iompraíocht bhulaíochta i láthair ag gach cruinniú den Bhord Bainistíochta. San áireamh san uasdátú seo beidh líon na n-eachtraí iompraíochta bulaíochta a tuairiscíodh ón gcruinniú deireanach, líon na n-eachtraí leanúnacha agus líon iomlán na n-eachtraí ó thús na scoilbhliana. Sa chás gur tharla eachtraí iompraíochta bulaíochta, cuirfidh an príomhoide uasdátú ó bhéal ar fáil freisin lena n-áirítear nuair is ábhartha, eolas a bhaineann le treochtaí agus patrúin a aithníodh, straitéisí a úsáideadh chun dul i ngleic leis an iompraíocht bhulaíochta agus aon straitéisí níos leithne chun iompraíocht bhulaíochta a chosc agus dul i ngleic léi. Níl eolas pearsanta ná aitheantais san uasdátú seo.

Tá an polasaí seo ar fáil do phobal na scoile ar shuíomh idirlín na scoile agus ina chóip chrua ach é a iarraidh. Tá leagan den pholasaí seo atá in oiriúint do scoláirí ar taispeáint sa scoil agus tá sé ar fáil freisin ar ár suíomh gréasáin agus ina chóip chrua ach é a iarraidh.

Déanfar an polasaí seo agus a chur i bhfeidhm a athbhreithniú ar bhonn bliantúil nó a luaithe agus is indéanta tar éis athrú ábhartha a bheith ann in aon ábhar dá dtagraíonn an polasaí seo.

Sínithe: _____ Dáta: _____
(Cathaoirleach an Bhoird Bainistíochta)

Sínithe: _____ Dáta: _____
(Príomhoide)